

Piluaqnaqtuliquitaungittut Havanguyumut Nainaqhimayut
Sabina-kut Malley – Wishbone Havikhaqhiuqtut Havanga

Sabina Guulit Silverlu Kuapurisan (Sabina-kut) tapkuat Kanatamiuni-nanminigiyauyut havikhaqhiuqniqmut nanminilgit tapkuat huliyut havikhaqhiuqniqmut tahamani Hanningayuq Kuugaqmi tamnalul Wishbone Havangi tahamani Kitikmeot, Nunavutagauyumi. Tamna Hanningayuq Kuugaq havikhaqhiuqniqmut havanga inilik mikhaani 525 kilaamitat ungalangata pingangnani Yellowknife tamnalul 400 kilaamitat nigingani Ikaluktutiak ilaqaqhunilu Goose, George, Del, Boot tamnalul Boulder Havakviinik. Sabina-kut Wishbone Havanga inilik mikhaani 60km pingangnani taphuma Goose Havakvia ilaqaqhunilu taphuminga Malley tamnalul Wishbone Havakvi. Sabina-kut aulattiyuyut taphuminga havanguyumik havaqaqhutiklu ihuaqhihimaninik tamaita tahapkuat havanguyut piyungnautai.

Sabina-kut qiniqtut pivikhanik kayuhininut havikhaqhiuqniqmut huliniit talvani Malley – Wishbone nunani tatyalu tukhigaqtut nutamik imaqlut laisamik nunaplu atuqninut piyungnautmik uumunga nunamut.

Tapkuat havikhaqhiuqniqmut havat ilaqaalat:

- Nappaqtuiniq, nalvaqhiuqniq naunaiyaqnilu nunaliquitit
- Nunaliginiqmut nunaayat nunap qanugitnilu naunaiyaqni
- Tingmitikkut, maniqakkut, anmutlu putut nunaliquitinut naunaiyaqni
- Hanalgutinut algakmutlu iluttuqtiginiq/qangiyainiq
- Tikitlugit 4 ikuutaqutit iniqtauniat qiplagiktut ikuutat uuktugutit nunaliginiqmut tugaqtat hanivanilu ikuutaqnit naunaiqhimayanut havikhaqaqnit nunat piqaqnitlu.
- Hanayauni hikukkut mittaqqik piyaqalaq piplugu upalungaiyaqni havikhaqhiuqniqmut atuqtakhatlu huliniit hilaplu qanugitnianut.
- Nuktiqni uqhukhat ikuutaqutitlu atuqtakhat tahamunga nunamut tutquqnilu hunnilaittunut tutqumaviknut aipaniklu hiamaktailihqhimaninut.
- Ukiup ilainanut hiniktaumavik pinguqtauyaqaqalaq qitiqpaumaniqmun inanut upaqattaqgakhaq havikhaqhiuqniqmut huliniit. Una ilaqaqalaq uqquaqqik (hiniktaqvutit tupqit, paniqhivik niqhiuqviklu havagutit) inuqqaqnikhamut tikitlugu 60 inuit ilaqaqlunilu mittaqqikmik, tutuqumavit uqhuqyuamut, tagiuq ilakhatlu, iqakut aulatauni (ikualattivik, maniqami ikualattiniq huniumaittunut qiyuknut iqakunut, anaqviuyunutlu), ikuutaqnikut titigaqni/kipluinit havagutit, pihimainaqtakhatlu ikuutaqnikut tutqumani.
- Hiniktaumaviulaktut pinguqtaulat tapkunani “piyaqaqata” piplugit nautiumatikhanut, avatiliginiqmut maniliqutinutlu pityutaayunut. Tahapkuat ilaqaqtut uquaqqik (hinikniqmmut tupqit, paniumavit niqhiuqvutlu havagutit) inuqalanut tikitlugu 30 inuit ilaqaqtitlugulu hikumi mittaqqikmik, tutuqqvikmiklu uqhuqyuamut, tagiut ilakhatlu
- Nuktiqni ikuutaqnikut hiniktaumavikmut nunaliginiqmut titigaqtauyukhat, naunaiyaqni tutquqtaunilu.

- Nuktiqni havaktit talvunga talvangatlu tatya atuqtumit Goose hiniktaumavik, hiniktaumaviulaktukhaq ikuutaqniqmutlu inainut halikaaptakkut. Tingmitinut piqaqtitauniat nuktigaqni talvangat talvungalu Goose hiniktaumavik nunaliuyunut.
- Naunaiyaqni halumaqtiqnilu ikuutaqniqmut inigiya ikuuttat putut iniqtauyagangata hiniktaumaviulaktutlu kikkilittini ukiumut ilanut havakviuni
- Havakvik halumaqtiqnia atuguiqpalianinut halumaqtigauni.

Tahapkuat havikhaqhiuqniqmut huliniit nigugiyaungittut kitunikliqak angipyaktunik aktuanit angutikhanut, nunamut imaqmutluniit, ihuaqhautikhainiklu pihimaittut avataanut tatya havikhaqhiuqniqmut nakuuniqpanik pitquhinut piyalgit.

Mikhautauyut tapkuat tikitlugu 200 miitat kikkagiktumik imaq atuqtauniat upluq tamaat ikuutaqniqmut, hiniktaumaviknut tamaitnutlu imaq atuqtauni iqakutlu iqaqni piqatauni havikhaqhiuqtunut huliniit. Tamna imaq tahiqlingaqniaq tahamani hanianit ikuutaqviuyunit hiniktaqvikmitlu talvani Malley - Wishbone nunani.

Ikuutaqniqmut kivgaqtutit nunaliginiqmutlu naunaiyainiq piqaqtitauniat atuqpakhimayumit kanturaktimit. Qaphit Inuit havaktit havaktitauniat ikayuqtukhat havikhaqhiuqniqmut huliniit (tapkuat ilaqqalat ikuutaqnikut qupluqni, naunaiyaqgakhata aulagtitni, ihuaqhainiq, hanalgutit aulaninik, avatiliginiqmik munaqtiunig halumaqtiginiqlu). Sabina-kut pinahuaqpiagtut aulaniqtik avatiliginiqmut aktuani nakuuniqpamiklu aulattiniq pitquhi havikhaqhiuqniqmut huliniit maliktauniat.